



Broj: 05/1-50-13-29-13-6/15
Sarajevo, 17.9.2015. godine

IZVJEŠTAJ

sa sastanka članova Nezavisnog odbora Parlamentarne skupštine BiH kao nezavisnog tijela policijske strukture BiH sa zamjenikom direktora Državne agencije za istrage i zaštitu BiH

Sastanak je održan 17.9.2015., s početkom u 10 sati, u prostorijama Državne agencije za istrage i zaštitu BiH u Sarajevu. Prisustvovali su: Đuro Knežević, zamjenik direktora koji je trenutno v.d. direktora, Enes Obralijski, prvi zamjenik predsjednika Nezavisnog odbora, Mate Miletić i Ljubomir Kuravica, članovi Nezavisnog odbora, te Ivana Lovrić, sekretar Nezavisnog odbora.

V.d. direktora Državne agencije za istrage i zaštitu BiH Đuro Knežević poželio je dobrodošlicu članovima Nezavisnog odbora i rekao da je na raspolaganju za sva eventualna pitanja.

Enes Obralijski, prvi zamjenik predsjednika Nezavisnog odbora, ukratko je obrazložio razlog posjete. Reкао je da je posjeta organizirana u skladu s Planom i programom rada Nezavisnog odbora za 2015. s ciljem održavanja kontinuiteta saradnje s policijskim agencijama iz svoje nadležnosti. Zamolio je gosp. Kneževića da u kratkim crtama kaže kakva je situacija u Državnoj agenciji za istrage i zaštitu BiH što se tiče materijalno-tehničke opremljenosti, kadrovske popunjenosti i sistematizacije radnih mjesta, te upotrebe specijalne jedinice.

Gosp. Đuro Knežević je u uvodnom dijelu istakao kako on obavlja ovu dužnost samo do izbora novog direktora Državne agencije za istrage i zaštitu BiH čiji je konkurs već u proceduri.

Što se tiče materijalno-tehničke opremljenosti Državne agencije za istrage i zaštitu, gosp. Knežević naglasio je da je izuzetno zadovoljan, ali da je vozni park u veoma lošem stanju te da su već osigurana sredstva za 20-ak novih vozila. Također, osigurana su i sredstva za izgradnju nove zgrade u Mostaru te s ponosom ističe da su dobili besplatno zemljište za izgradnju objekta u Tuzli za koji je izrada projektne dokumentacije već u toku.

Kad je riječ o kadrovskoj popunjenosti, gosp. Knežević informirao je članove Nezavisnog odbora da je u Državnoj agenciji za istrage i zaštitu zaposleno ukupno 735 osoba od čega je 512 policijskih službenika, 81 državni službenik te 142 zaposlenika. U izradi je novi pravilnik o sistematizaciji novih radnih mjesta kojim je predviđeno da se smanji broj državnih a poveća broj policijskih službenika jer ih je malo. U 2013. godini u Državnoj agenciji za istrage i zaštitu BiH prestao je radni odnos za osam policijskih službenika, u 2014.

godini za 25, a u 2015. godini predviđa se da će radni odnos prestati za još 21-og policijskog službenika što su ukupno 54 policijska službenika.

Istakao je da je u ovom trenutku primljeno 20 novih inspektora koji su na obuci u Mostaru, a da je posljednje zapošljavanje policijskih službenika u Državnoj agenciji za istrage i zaštitu bilo prijemom 43 svršena kadeta s kojima su zaključeni ugovori o radu s početkom od 1.1.2013. Također je istakao da je u 2015./2016. godini predviđen prijem 20 mladih inspektora i 12 specijalaca. U 2015. godini unaprijeđeno je 20 policijskih službenika.

Što se tiče upotrebe specijalne jedinice Državne agencije za istrage i zaštitu BiH, gosp. Knežević istakao je da je potrebno za njeno stavljanje na raspolaganje unaprijed sačiniti plan te da nema upotrebe specijalne jedinice bez upoznavanja lokalne policije a sve u svrhu poboljšanja odnosa s lokalnom policijom.

Na pitanje članova Nezavisnog odbora koliko prijava ima Državna agencija za istrage i zaštitu gosp. Knežević je istakao da dnevno u prosjeku ima oko 10 prijava građana, a KRIMOLOVAC oko 300, te da se, ako nisu anonimne, prijave dostavljaju MUP-u.

Također, naglasio je da imaju izuzetno dobru saradnju s Obavještajno-sigurnosnom agencijom BiH te da je saradnja s Graničnom policijom i Direkcijom za koordinaciju policijskih tijela dobra, ali da bi mogla biti i bolja.

Članovi Nezavisnog odbora na kraju su naglasili da će Nezavisni odbor i dalje u okviru svojih nadležnosti pružati podršku radu Državne agencije za istrage i zaštitu BiH i poželjeli im mnogo uspjeha.

Sastanak je završen u 11.30 sati.

PRVI ZAMJENIK PREDSJEDNIKA NEZAVISNOG ODBORA

Enes Obralića